

Вилоят ҳокимлиги Ахборот-таҳлил гуруҳи тўғрисида НИЗОМ

I. Умумий қоидалар

1. Ушбу низом вилояти ҳокимлиги Ахборот-таҳлил гуруҳининг (кейинги ўринларда Ахборот-таҳлил гуруҳи деб юритилади) вазифалари, функциялари, ҳуқуқлари, масъулиятини ҳамда фаолиятини ташкил этиш тартибини белгилайди.

2. Ахборот-таҳлил гуруҳи ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлисининг қарорлари ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Вазирлар Маҳкамасининг қарорлари ва фармойишларига, вилоят ҳокимининг қарор ва фармойишларига, шунингдек мазкур Низомга амал қилади.

3. Ахборот-таҳлил гуруҳи ўз фаолиятини Ўзбекистон Ўзбекистон Республикаси Вазирлар Маҳкамаси аппарати ва вилоят ҳокими раҳбарлигида амалга оширади.

4. Ахборот-таҳлил гуруҳи ўзига юкланган вазифалар ва функцияларни бажаришда Ўзбекистон Республикаси Вазирлар Маҳкамаси, шаҳарлар ва туманлар ҳокимликлари, шунингдек давлатнинг бошқа органлари ҳамда бошқа ташкилотлар билан ўзаро ҳамкорлик қилади.

II. Ахборот-таҳлил гуруҳининг вазифалари ва функциялари

5. Ахборот-таҳлил гуруҳининг фаолияти қуйидаги асосий вазифаларни амалга оширади:

ҳокимликнинг иш режаси бажарилиши мониторингини ташкил этади, Ўзбекистон Республикаси Вазирлар Маҳкамаси аппарати билан ўзаро ҳамкорлик қилади;

экспертиза натижалари бўйича ҳужжатлар лойиҳалари ҳақида ҳокимга ахборот беради, ҳоким томонидан имзоланган ҳужжатларга виза қўяди ва уларнинг чиқарилишини ташкил этади;

ҳоким томонидан ўтказиладиган мажлисларда, шу жумладан ҳар ҳафталик аппарат йиғилишлари ва турли комиссияларнинг кун тартиби лойиҳаларини шакллантиради, ҳокимга тасдиқлатади ва тегишли ҳужжатлар тайёрланишини таъминлайди;

ҳоким томонидан ўтказиладиган мажлисларни ташкилий-назорат гуруҳи билан биргаликда ташкил этади, топшириқларни умумлаштиради, уларнинг бажарилишини назорат қилади, ҳокимни бажарилиши ва натижалари тўғрисида белгиланган муддатларда хабардор қилади;

бошқарув аппаратининг таркибий бўлинмалари билан биргаликда ҳокимнинг кўриб чиқиши учун ахборот-маълумотнома ва бошқа материалларни, шунингдек ҳокимнинг маърузалари ва нутқларини тайёрлайди;

халқ депутатлари Кенгаши ҳамда ҳокимнинг ҳужжатлари лойиҳаларини экспертизадан ўтказишни ташкил этиш ва сифатли тайёрлаш бўйича ҳокимнинг ўринбосарлари билан ўзаро мустаҳкам ҳамкорлик қилади;

амалга оширилаётган хатти-ҳаракатлар тўғрисида жамоатчиликни дарҳол хабардор қилиш ҳамда ҳокимликнинг фаолияти матбуот, радио, телевидение ва бутунжаҳон Интернет ахборот тармоғида ҳолисона ёритилиши учун бошқарув аппаратининг оммавий ахборот воситалари билан ўзаро ҳамкорлигини таъминлайди;

халқ депутатлари Кенгашининг ва ҳокимликнинг фаолиятини янада тўлиқ ва ҳолисона ёритиш мақсадида миллий ва хорижий оммавий ахборот воситалари ҳамда журналистлар билан ўзаро ҳамкорлик қилади;

матбуот конференциялари, брифинглар ўтказиш, интервьюлар олишни ва ҳокимликнинг раҳбарияти ва ходимлари билан оммавий ахборот воситалари вакилларининг бошқа учрашувларини ташкил қилади;

халқ депутатлари Кенгашининг ва ҳокимликнинг фаолияти масалалари юзасидан жамоатчилик фикрини ҳамда миллий ва хорижий оммавий ахборот воситалари нуқтаи назарини ўрганиш бўйича таҳлилий ишларни амалга оширади, ҳокимлик раҳбариятига ахборот бериш учун матбуотда эълон қилинган долзарб материаллар шарҳларини тайёрлайди;

оммавий ахборот воситалари билан ахборот-маълумотномаларни эълон қилиш ишларини амалга ошириш учун халқ депутатлари Кенгаши ва ҳокимлик фаолияти тўғрисидаги таҳлилий, статистик ва бошқа материаллар маълумотларининг тизимлаштирилган банкни ташкил қилади.

Ахборот-таҳлил гуруҳи тўғрисидаги Низомга ва ҳокимнинг қарорларига мувофиқ бошқа ваколатларни амалга оширади.

III. Ахборот-таҳлил гуруҳининг ҳуқуқлари ва жавобгарлиги

б. Ахборот-таҳлил гуруҳи ўзига юкланган вазифалар ва функцияларни бажариш учун қуйидаги ҳуқуқларга эга:

вилоят ҳокимлигида кўриб чиқиладиган масалаларни таҳлил қилиш ва тайёрлаш учун зарур бўлган материаллар ва маълумотларни вилоят ҳокимлигининг котибиятларидан, ҳудудларни комплекс ривожлантириш йиғма бошқармасидан, вилоят ташкилотларидан, шаҳарлар ва туманлар ҳокимликларидан бошқа ташкилотлардан белгиланган тартибда олиш ва сўраш;

вилоят ҳокимлиги котибиятларининг иқтисодий ривожлантириш, ижтимоий, таркибий ва институционал ислохотлар, иқтисодиёт тармоқларини, секторларини ва ҳудудларни иқтисодий ривожлантириш стратегияси ва дастурларини ишлаб чиқиш, шунингдек ташқи иқтисодий алоқаларни ривожлантириш масалалари бўйича ахборот-таҳлилий ва прогнозлаш фаолиятини мувофиқлаштириш;

ҳудудларни комплекс ривожлантириш йиғма бошқармасининг масъул ҳодимларини жалб этган ҳолда ўтказиладиган мажлисларга пухта тайёргарлик кўриш, тегишли таҳлилий маълумотларни тайёрлаш;

ҳудудларни комплекс ривожлантириш йиғма бошқармасининг тегишли бўлимларига юклатилган фуқционал вазифалардан келиб чиққан ҳолда улардан зарурий маълумотларни олиш;

давлат ва хўжалик бошқаруви органлари, шаҳарлар ва туманлар ҳокимликлари, бошқа ташкилотлар раҳбарлари ҳамда вакиллари иштирокида йиғилишлар ўтказиш;

зарурат бўлганда «Ўзбекистон Республикаси Вазирлар Маҳкамаси тўғрисида»ги Ўзбекистон Республикаси Қонуни ва вилоят ҳокимлигининг иш тартиби талаблари бузилган ҳолда тушган ҳужжатларни қайтариб юбориш.

7. Ахборот-таҳлил гуруҳи қўйидагиларга жавобгар:

ўзига юкланган вазифалар ҳамда функцияларнинг сифатли ва ўз вақтида бажарилиши;

вилоят ҳокимига киритилган таклифлар ва масалалар эксперт жиҳатидан сифатли ишлаб чиқилиши ташкил этилиши;

ҳоким томонидан берилган топшириқларни умумлаштирилиши, уларнинг бажарилишини назорат қилиниши, натижалари тўғрисида белгиланган муддатларда ҳокимни хабардор қилиниши учун жавоб беради.

IV. Ахборот-таҳлил гуруҳининг тузилмаси

8. Ахборот-таҳлил гуруҳининг тузилмаси раҳбар, 2 нафар бош мутахассис ва 3 нафар етакчи мутахассисдан иборат бўлади.

9. Ахборот-таҳлил гуруҳи тузилмаси ва ходимларининг чекланган сони Ўзбекистон Республикаси Президентининг 2016 йил 22 декабрдаги “Маҳаллий ижроия ҳокимияти органлари фаолиятини янада такомиллаштириш тўғрисида”ги ПҚ-2691-сон қарори қарори билан белгиланади.

10. Ахборот-таҳлил гуруҳининг ишлари ҳоким томонидан тасдиқланадиган фуқционал вазифалари тўғрисидаги Низомга, ушбу Низомга мувофиқ ташкил этилади.

11. Ахборот-таҳлил гуруҳи ўз фаолиятида ҳокимга бўйсунди.

12. Ахборот-таҳлил гуруҳи раҳбари Ўзбекистон Республикаси Бош вазирининг биринчи ўринбосари билан келишган ҳолда ҳокимнинг қарори билан лавозимга тайинланади ва лавозимдан озод этилади.

13. Ахборот-таҳлил гуруҳининг фуқционал вазифалари ҳоким томонидан тасдиқланади.

V. Ахборот-таҳлил гуруҳи фаолиятини ташкил этиш

14. Ахборот-таҳлил гуруҳи ишлари вилоят ҳокимлигининг иш тартибига, ушбу Низомга, вилоят ҳокимининг топшириқларига, шунингдек вилоят ҳокимлигининг иш режалари, Ахборот-таҳлил гуруҳининг чораклик иш режалари, Ахборот-таҳлил гуруҳи

раҳбари ва мутахассисларнинг шахсий иш режалари асосида ташкил этилади.

15. Ахборот-таҳлил гуруҳининг чораклик иш режалари вилоят ҳокими томонидан тасдиқланади.

VI. Ахборот-таҳлил гуруҳи раҳбари

16. Ахборот-таҳлил гуруҳи раҳбари:

Ахборот-таҳлил гуруҳига бевосита раҳбарликни амалга оширади,

ўз мутахассислари ишларини ташкил қилади ҳамда Ахборот-таҳлил гуруҳига юкланган вазифалар, функцияларнинг бажарилиши ва ижро интизомининг ҳолати учун шахсан жавоб беради;

вилоят ҳокимиغا киритилган Ахборот-таҳлил гуруҳи мутасаддилик қиладиган соҳага кирувчи масалалар бўйича ҳужжатлар лойиҳаларини ва бошқа ҳужжатларни кўриб чиқади, мазкур лойиҳаларга розилик беради ҳамда улар юзасидан эксперт хулосаларни имзолайди;

вилоят ҳокими раислигидаги ўтказиладиган йиғилишларда комиссиялар, кенгашлар мажлисларида, Ахборот-таҳлил гуруҳи мутасаддилик қиладиган соҳага кирувчи масалалар бўйича ўтказиладиган йиғилишларда қатнашади;

вилоят ҳокимлигига давлат ҳокимияти органларидан, бошқа органлар ва ташкилотлардан тушган, вилоят ҳокимининг қарорини талаб қилмайдиган ҳужжатларни давлат ва хўжалик бошқаруви тегишли органларига кўриб чиқиш учун юборади;

вилоят ҳокими билан келишган ҳолда гуруҳ мутахассислари ўртасида вазифаларни тақсимлайди;

чиқувчи хат-хабарларни имзолайди;

ахборот-таҳлил гуруҳи ишларини такомиллаштириш, мутахассисларнинг иш ва касб малакасини ошириш тадбирларини ишлаб чиқади ва амалга оширади;

ахборот-таҳлил гуруҳи раҳбари мутахассисларни лавозимга тайинлаш

ва лавозимдан озод қилиш, уларнинг малакасини ошириш, уларни рағбатлантириш ҳамда уларга танбеҳ бериш тўғрисидаги таклифларни вилоят ҳокимиغا тақдим этади.

17. Ахборот-таҳлил гуруҳи раҳбари вақтинчалик бўлмаган тақдирда унинг вазифасини бош мутахассиси бажаради.

18. Бош мутахассис (етакчи мутахассис):

функционал вазифаларга мувофиқ таклифлар ва ҳужжатлар лойиҳаларининг сифатли ишлаб чиқилиши, ишончлилиги ва ўз вақтида тайёрланиши ҳамда функционал вазифаларга мувофиқ топшириқлар ва қабул қилинган ҳужжатларнинг бажарилиши юзасидан назоратнинг таъминланиши учун шахсан жавоб беради;

тегишли давлат органлари ва бошқа ташкилотлар томонидан тақдим этилган таклифларни ва ҳужжатлар лойиҳаларини ҳар томонлама таҳлил қилади, улар бўйича таҳлилий материалларни ва эксперт таклифларни тайёрлайди, шунингдек уларнинг қонун

ҳужжатларида белгиланган тартибда зарур тарзда келишилишини таъминлайди;

материаллар ва ҳужжатлар лойиҳалари тўғрисида Ахборот-таҳлил гуруҳи раҳбарига, шунингдек белгиланган тартибда ҳокимнинг ўринбосарига ахборот беради;

қабул қилинган ҳужжатлар бўйича назорат режасини ёки ташкилий

чора-тадбирларни ишлаб чиқади ва белгиланган тартибда тасдиқлаш учун киритади, иқтисодиётнинг тегишли тармоқлари ва соҳалари бўйича - Ўзбекистон Республикаси қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг ҳужжатлари ва топшириқлари, Ўзбекистон Республикаси Вазирлар Маҳкамасининг қарорлари, фармойишлари ва топшириқлари, халқ депутатлари Кенгаши ва ҳокимнинг ҳужжатлари бажарилишини таҳлил қилади;

тегишли функционал масалалар ва ҳужжатлар бўйича тизимлаштирилган маълумотлар базаси шакллантирилиши ва юритилишини, унинг мунтазам равишда янгиланишини ташкил этади;

давлат ва хўжалик бошқаруви органларининг тегишли ҳудудий бўлинмалари, шаҳарлар ва туманлар ҳокимликлари аппаратларининг таркибий бўлинмалари (иқтисодий, молиявий ва ҳуқуқий хизматлар) ишларининг ҳолати ва натижадорлигини доимий равишда ўрганади, улар фаолияти самарадорлигини ошириш юзасидан таклифлар киритади;

ҳоким томонидан ўтказиладиган мажлисларда, шу жумладан ҳар ҳафталик аппарат йиғилишларида ва ўзига бириктирилган масалалар бўйича ҳар хил комиссиялар мажлисларида белгиланган тартибда иштирок этади;

низомга ва функционал вазифаларга мувофиқ бошқа функцияларни амалга оширади.